



## LOKALNO PARTNERSTVO ZA ZAPOŠLJAVANJE – GORAŽDE

### Osnovne informacije

**Aktivnost:** Obrada metala

**Lokacija:** Bosansko-podrinjski kanton Goražde

**Članovi partnerstva:**

- Grad Goražde (GG) – vodeći aplikant/vođa aktivnosti
- Udruženje ALDI (ALDi)
- Srednja stručna škola “Džemal Bijedić” Goražde (SSŠ)
- Služba za zapošljavanje Bosansko-podrinjskog kantona Goražde (SZZBPK)
- Privredna komora Bosansko-podrinjskog kantona (PKBPK)
- Udruženje poslodavaca Bosansko-podrinjskog kantona (UPBPK)
- Bekto Precisa d.o.o. Goražde (BP)
- EMKA Bosnia d.o.o. (EB)

**Vrijednost aktivnosti:** 192.756 EUR (sredstva EU: 173.488 EUR)

**Vrijeme provođenja aktivnosti:** juni 2017. - januar 2019.

**Cilj:** Profesionalno usavršavanje 100 nezaposlenih uključujući žene, mlade, osobe sa invaliditetom i dugoročno nezaposlena lica u oblasti obrade metala kroz razvoj tri programa obuke za odrasle te zapošljavanje njih 52 u partnerskim preduzećima (BP i EB).



## OPIS

### **Potencijal za zapošljavanje u oblasti obrade metala**

Na području Bosansko-podrinjski kanton Goražde (BPK) registrovane su 3.502 nesaposlene osobe od kojih 35 od sto nema nikakve kvalifikacije. Izvornoorjentisana metaloprerađivačka preduzeća na području BPK istovremeno izražavaju potrebu za kvalifikovanom radnom snagom ali se kao prepreka nalaženju kvalifikovane radne snage pojavljuje nepostojanje adekvatnih programa obuke kojima bi nezaposleni stekli potrebna znanja i vještine za rad u metaloprerađivačkoj industriji.

### **Prevazilaženje prepreka zapošljavanju**

Kako bi se prevazišao problem neusklađenosti kvalifikacija nezaposlenih i potreba poslodavaca u sektoru obrade metala ALDI će u saradnji sa ostalim članovima Lokalnog partnerstva za zapošljavanje Goražde (Partnerstvo) izraditi analizu strukture nezaposlenih i trogodišnjih potreba poslodavaca. SŠC će u skladu sa ovom analizom u saradnji sa BP i EB, a uz podršku Ministarstva za obrazovanje, mlade, nauku, kulturu i sport BPK (MOBPK), razviti tri programa obuke za odrasle za identifikovana deficitarna zanimanja uključujući CNC operater, plastičar i regler.

### **Kako će se aktivnosti provoditi**

#### **- Javni poziv i odabir korisnika**

Odabir 100 korisnika aktivnosti Partnerstva koji će proći kroz programe obuke, a od kojih će 52 biti zaposleno, će se vršiti putem javnog poziva kojeg će objaviti ALDI. Svrha javnog poziva će biti odabir 90 osoba za obuku o obradi metala i 10 osoba sa visom stručnom spremom za obuku iz menadžmenta.

Pored javnog poziva SZZBPK, GG i ALDI će na osam lokacija na području Bosansko-podrinjskog kantona (BPK), u saradnji sa ostalim općinama BPK (pored Grada Goražde to su Općina Pale-Prača i Općina Foča-Ustikolina), organizovati informativne sastanke za 300 nezaposlenih osoba na kojima će se promovisati koncept cjeloživotnog učenja, obuke koje nudi Partnerstvo te zapošljavanje u metaloprerađivačkoj industriji.

Odabir polaznika obuke će izvršiti SZZBPK intervjuisanjem kandidata.

#### **- Nabavka opreme**

Za potrebe održavanja teoretske obuke u SŠC Partnerstvo će opremiti jedan kabinet potrebnom opremom uključujući stolice, klupe, interaktivnu tablu, printer i projektor.

#### **- Razvoj i provođenje programa obuke**

Programe obuke za odrasle za tri deficitarna zanimanja će razviti SŠC u saradnji sa BP i EB a uz podršku MOBPK. Uz programe obuke također će biti razvijeni i priručnici za obuku za sve polaznike.



MOBPK će tri novorazvijena programa obuke koji će uključivati nastavne planove i programe i module obuke objaviti u Službenim novinama BPK i time će oni biti ozvaničeni.

Pored programa obuke za odrasle Partnerstvo će provesti i trodnevnu andragošku obuku za 20 profesora iz SŠC-a i inženjera sa područja BPK čime će se poboljšati njihova sposobnost za izvođenje obuke.

#### **- Provođenje programa obuke**

Program obuke će biti podijeljen u dva dijela. Dok će 90 polaznika proći obuku za rad u metaloprerađivačkoj industriji, deset polaznika sa visokom stručnom spremom će proći obuku iz menadžmenta.

Teoretsko-stručni dio tri programa obuke za rad u metaloprerađivačkoj industriji od 50 sati će se održavati u SŠC dok će se praktična nastava od 200 sati odvijati u proizvodnim pogonima BP i EB. Teoretsko-stručna obuka će se odvijati u grupama od 15 polaznika, dok će se praktična nastava u dva preduzeća odvijati u grupama od po 10 polaznika. Obuku će provoditi profesori škole i inženjeri u partnerskim preduzećima koji su prošli andragošku obuku. ALDI će pratiti provođenje oba dijela obuke.

Obuku za 10 polaznika iz oblasti menadžmenta će provesti specijalizovana ustanova koju će izabrati Partnerstvo.

Po završetku obuke svi polaznici će proći testiranje koje će provesti osoblje UŠC-a, BP-a ili EB-a i ALDI-a te će se onima koji uspješno prođu obuku izdati certifikati.

#### **- Zapošljavanje**

50 od 90 osoba koje uspješno prođu program obuke za rad u metaloprerađivačkoj industriji će biti zaposlene u BP i EB dok će dvije osobe koje uspješno završe obuku iz menadžmenta biti zaposlene u BP.

#### **- Održivost aktivnosti i zaposlenja**

Partnerstvo će raditi na unaprijeđenju zakonskog okvira BPK za obrazovanje odraslih i cjeloživotno učenja gdje će fokus biti na ulozi i unaprijeđenju kapaciteta nastavnog osoblja za provođenje andragoške obuke te širenju mreže organizatora obrazovanja za odrasle.

Kao što je već navedeno Partnerstvo će izraditi analizu potreba za radnom snagom na području BPK za naredne tri godine kao i analizu raspoložive radne snage i njihovih kvalifikacija i ovu analizu će koristiti kao osnovu za razvijanje novih programa obuke u saradnji sa MOBPK.

U sklopu svojih aktivnosti Partnerstvo će također producirati dokumentarni film o poslovnim subjektima u BPK kojim će se dalje promovirati koncept cjeloživotnog učenja i organizovaće sajam zapošljavanja na koji će biti pozvano 160 malih i srednjih preduzeća registrovanih na području BPK



Ovaj projekat finansira Evropska unija



LOKALNA PARTNERSTVA  
ZA ZAPOŠLJAVANJE  
U BOSNI I HERCEGOVINI



International Labour Organization

kao i 3.502 nezaposlenih od kojih su preko 2.000 žene gdje će nezaposleni biti u prilici ostvariti direktne kontakte sa poslodavcima i predati im njihove biografije.

Partnerstvo će po isteku aktivnosti u sklopu projekta Podrška lokalnim partnerstvima za zapošljavanje u Bosni i Hercegovini koje finansira EU nastaviti aplicirati za druge projekte i programe podrške zapošljavanju.

LOKALNA PARTNERSTVA ZA ZAPOŠLJAVANJE  
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

☎ Fra Anđela Zvizdovića 1, B/XII,  
71000 Sarajevo, Bosna i Hercegovina  
☎ tel: + 387 33 29 57 36  
☎ fax: + 387 33 29 57 41  
✉ e-mail: lep@ilo.org  
📘 facebook.com/LEPSupport/  
🐦 twitter.com/LEPSupport  
🌐 www.partnerstvo.ba